

摘藻堂四庫全書薈要

集部

欽定四庫全書薈要

集部

御定全唐詩卷四百三十八

詳校官候補通政經歷臣郭祚職



欽定四庫全書薈要卷一萬七千八百四十二

集部

御定全唐詩卷四百三十七

白居易

翰林中送獨孤二十七起居罷職出院

留雲住青冥放鶴還銀臺向南路從此到人間

重尋杏園

忽憶芳時頻酌酹却尋醉處重裴回杏花結子春深後
誰解多情又獨來

曲江獨行

自此後在翰林時作

獨來獨去何人識
厖馬朝衣野客心
閑愛無風水邊坐
楊花不動樹陰陰

同李十一醉憶元九

花時同醉破春愁
醉折花枝當酒籌
忽憶故人天際去

計程今日到涼

一作梁州

同錢員外題絕糧僧巨川

三十年來坐對山
唯將無事化人間
齋時往往聞鐘笑

一食何如不食閑

絕句代書贈錢員外

欲尋秋景閑行去君病多慵我興孤可惜今朝山最好
強能騎馬出來無

晚秋有懷鄭中舊隱

天高風嫋嫋鄉思繞關河寥落歸山夢殷勤采蕨歌病
添心寂寞愁入鬢蹉跎晚樹蟬鳴少秋階日上多長閑
羨雲鶴久別媿煙蘿其奈丹墀上君恩未報何

禁中九日對菊花酒憶元九

賜酒盈杯誰共持
宮花滿把獨相思
相思只傍花邊立

盡日吟君詠菊詩

元詩云不是花中偏愛菊此花開盡更無花

送王十八歸山寄題仙遊寺

曾於太白峰前住
數到仙遊寺裏來
黑水澄時潭底出

白雲破處洞門開
林間暖酒燒紅葉
石上題詩掃綠苔

惆悵舊遊那復到
菊花時節羨

一作待

君迴

答張籍因以代書

憐君馬瘦衣裘薄許到江東訪鄙夫今日正閑天又暖
可能扶病暫來無

曲江早春

曲江柳條漸無力杏園伯勞初有聲可憐春淺遊人少
好傍池邊下馬行

見元九悼亡詩因以此寄

夜淚闇銷明月幌春腸遙斷牡丹庭人間此病治無藥
唯有楞伽四卷經

寒食夜

無月無燈寒食夜夜深猶立闌花前忽因時節驚年幾
四十如今欠一年

杏園花落時招錢員外同醉

花園欲去去應遲正是風吹狼藉時近西數樹猶堪醉
半落春風半在枝

重題西明寺牡丹

時元九
在江陵

往年君向東都去曾歎花時君未迴今年況作江陵別

惆悵花前又獨來，只愁離別長。如此不道明年花不開。
同錢員外禁中夜直

宮漏三聲知半夜，好風涼月滿松筠。此時閑坐寂無語，
藥樹影中唯兩人。

禁中夜作書與元九

心緒萬端書兩紙，欲封重讀意遲遲。五聲宮漏初鳴，
一作

明夜一點窗燈欲滅時。

八月十五日夜禁中獨直對月憶

寄元九

銀臺金闕夕沈沈獨宿相思在翰林三五夜中新月色
二千里外故人心渚宮東面煙波冷浴殿西頭鐘漏深
猶恐清光不同見江陵卑濕足秋陰

寄陳式五兄

年來白髮兩三莖憶別君時髭未生惆悵料君應滿鬢
當初是我十年兄

庾順之以紫霞綺遠贈以詩荅之

千里故人心鄭重一端香綺紫氛氳開緘日映晚霞色

滿幅風生秋水紋為褥欲裁憐葉破製裘將翦惜花分
不如縫作合歡被寤寐相思如對君

送元八歸鳳翔

莫道岐州三日程其如風雪一身行與君況是經年別
暫到城來又出城

雨雪放朝因懷微之

歸騎紛紛滿九衢放朝三日為泥塗不知雨雪江陵府
今日排衙得免無

詠懷

歲去年來塵土中
眼看變作白頭翁
如何辦得歸山計
兩頃村田一畝宮

聞微之江陵卧病以大通中散碧腴垂雲膏寄之因題四韻

已題一帖紅消散
又封一合碧雲英
憑人寄向江陵去
道路迢迢一月程
未必能治江上瘴
且圖遙慰病中情
到時想得君拈得
枕上開看眼暫明

酬錢員外雪中見寄

松雪無塵小院寒，閉門不似住長安。
煩君想我看心坐，報道心空無可看。

重酬錢員外

雪中重寄雪山偈，問答殷勤四句中。
本立空名緣破妄，若能無妄亦無空。

獨酌憶微之

時對所贈醞

獨酌花前醉憶君，與君春別又逢春。
惆悵銀杯來處重。

不會盛酒勸閑人

微之宅殘牡丹

殘紅零落無人賞
雨打風摧花不全
諸處見時猶悵望
況當元九小亭前

新磨鏡

衰容常

一作當

晚櫛

一作節

秋鏡偶新磨
一與清光對方知

白髮多鬢毛
從幻化心地付
頭陀任意渾成雪
其如似

夢何

感髮落

昔日愁頭白誰知未白衰眼看

一作前

應落盡無可變成

絲

八月十五日夜聞崔大員外翰林獨直對酒玩

月因懷禁中清景偶題是詩

秋月高

一作空

懸空

一作高

碧外仙郎靜玩禁闈間歲中唯

有今宵好海內無如此地閑皓色分明雙闕勝清光深
到九門關遙聞獨醉還惆悵不見金波照玉山

酬王十八見寄

秋思太白峰頭雪晴憶仙遊洞口雲未報皇恩歸未得
慙君為寄北山文

立春日酬錢員外曲江同行見贈

下直遇春日垂鞭出禁闈兩人攜手語十里看山歸柳
色早黃淺水文新綠微風光向晚好車馬近南稀機盡
笑相顧不驚鷗鷺飛

和錢員外青龍寺上方望舊山

舊峰松雪舊溪雲
悵望今朝遙屬君
共道使君非俗吏
南山莫動北山文

宴周皓大夫光福宅

座上作

何處風光最可憐
妓堂階下砌臺前
軒車擁路光照地
絲管入門聲沸天
綠蕙不香饒桂酒
紅櫻無色讓花鈿
野人不敢求他事
唯借泉聲一作流泉伴醉眠

晚秋夜

碧空溶溶月華靜
月裏愁人弔孤影
花開殘菊傍疎籬

葉下衰桐落寒井塞鴻飛急覺秋盡鄰雞鳴遲知夜永
凝情不語空所思風吹白露衣裳冷

惜牡丹花二首

一首翰林院北廳花下作一首
新昌竇給事宅南亭花下作

惆悵階前紅牡丹晚來唯有兩枝花
一作殘明朝風起應

吹盡夜惜衰紅把火看

寂寞萎紅低向雨離披破豔散隨風
一作晴明
一作落地猶
惆悵何況飄零泥土中

荅元奉禮同宿見贈

相逢俱歎不閑身直日常多齋日頻曉一作晚鼓一聲分
散去明朝風景屬何人

荅馬侍御見贈

謬入金門侍玉除煩君問我意何如蟠木詎堪明主用
籠禽徒與故人疎苑花似雪同隨輦官月如眉伴直廬
淺薄求賢思自代嵇康莫寄絕交書

上巳日恩賜曲江宴會即事

賜歡仍許醉此會興如何翰苑主恩重曲江春意多花

低羞豔妓鶯散讓清歌
共道升平樂元和勝永和

夜惜禁中桃花因懷錢員外

前日歸時花正紅
今夜宿時枝半空
坐惜殘芳君不見
風吹狼藉月明中

和錢員外早冬玩禁中新菊

禁署寒氣遲孟冬菊初一作花
坼新黃間繁綠爛若金照

碧仙郎小隱日心似陶彭澤
秋憐潭上看日慣籬邊摘
今來此地賞野意潛自適
金馬門內花玉山峰下客寒

芳引清句吟玩

一作賞

煙景夕賜酒色偏宜握蘭香不敵

淒淒百卉死歲晚冰霜積唯有此花開

一作有此花開時

殷勤

助君惜

錢嘗居藍田山下故云

答劉戒之早秋別墅見寄

涼風木槿籬暮雨槐花枝并起新秋思為得故人詩避

地鳥擇木升

一作八

朝魚在池城中與山下喧靜閣相思

涼夜有懷

念別感時節早蛩聞一聲風簾夜涼入露葦秋意生燈

盡夢初罷月斜天未明
閨凝無限思起傍藥闌行

秋思

病眠夜少夢閑立
秋多思寂寞餘雨晴蕭條早寒至
烏棲紅葉樹月照青苔地
何況鏡中年又過三十二

禁中聞蛩

悄悄禁門閉夜深無月明
西窗獨閨坐滿耳新蛩聲

秋蟲

切切閨窗下嚶嚶深草裏
秋天思婦心雨夜愁人耳

贈別宣上人

上人處世界清淨何所似似彼白蓮花在水不著水性

真

一作
真空

悟泡幻

一作
幻泡

行潔離塵滓修道來幾時身心俱

到此嗟余牽世網不得長依止離念與碧雲秋來朝夕
起

春夜喜雪有懷王二十二

夜雪有佳趣幽人出書帷微寒生枕席輕素對

一作
封

階

墀坐罷楚弦曲起吟班扇詩明宜滅燭

一作
燈

後淨愛褰

一作卷

簾時窗引曙色早庭銷春氣遲山陰應有興不卧

待微之

酬和元九東川路詩十二首

十二篇皆因新境追憶舊事不能一

一曲叙但隨而和之唯余與元知之耳

駱口驛舊題詩

拙詩在壁無人愛鳥汙苔侵文字殘唯有多情元侍御
繡衣不惜拂塵看

南秦雪

往歲曾為西邑吏，慣從駱口到南秦。
三時雲冷多飛雪，二月山寒少有春。
我思舊事猶惆悵，君作初行定苦辛。
仍賴愁猿寒不叫，若聞猿叫更愁人。

山枇杷花二首

萬重青嶂蜀門口，一樹紅花山頂頭。
春盡憶家歸未得，低紅如解替君愁。

葉如翬色碧綃

一作紗

淺花似芙蓉，紅粉輕若使。此花兼

解語，推囚御史定違程。

江樓月

嘉陵江曲曲江池

一作
遲

明月雖同人別離一宵光景潛

相憶兩地陰晴遠不知誰料江邊懷我夜正當池畔望
君時今朝共語方同悔不解多情先寄詩

亞枝花

山郵花木似平陽愁殺多情驄馬郎還似升平池畔坐
低頭向水自看妝

江上笛

江上何人夜吹笛
聲聲似憶故園春
此時聞者堪頭白
況是多愁少睡人

嘉陵夜有懷二首

露濕牆花春意深
西廊月上半牀陰
憐君獨卧無言語
唯我知君此夜心

不明不暗朧

一作朦

朧月不暖不寒
慢慢風獨卧空牀好

天氣平明閑事到心中

夜深行

百牢

一作年

關外夜行客三殿角頭宵直人莫道近臣勝

遠使其如同是不開身

望驛臺

二月三十日

靖安宅裏當窗柳望驛臺前撲地花兩處春光

一作風

同

日盡居人思客客思家

江岸梨花

梨花有思

一作意

緣和葉一樹江頭惱殺君最似嬾閨少

年婦白妝素袖碧紗裙

荅謝家最小偏憐女

感元九悼亡詩
因為代荅三首

嫁得梁鴻六七年
耽書愛酒日高眠
雨荒春圃唯生草
雪壓朝厨未有煙
身病憂來緣女少
家貧忘却為夫賢
誰知厚俸今無分
枉向秋風吹紙錢

荅騎馬入空臺

君入空臺去朝往
暮還來我入泉臺
去泉門無復開
鰥夫仍繫職
穉女未勝哀
寂莫咸陽道
家人覆墓迴

荅山驛夢

入君旅夢來千里閉我幽魂欲二年莫忘平生行坐處
後堂階下竹叢前

和元九與呂二同宿話舊感贈

見君新贈呂君詩憶得同年行樂時爭入杏園齊馬首
潛過柳曲鬪蛾眉八人雲散俱遊宦七度花開盡別離
聞道秋娘猶且在至今時復問微之

憶元九

渺渺江陵道相思遠不知近來文卷裏半是憶君詩

蕭員外寄新蜀茶

蜀茶寄到但驚新
渭水煎來始覺珍
滿甌似乳堪持玩
況是春深酒渴人

寄上大兄

已後詩在
邽林居作

秋鴻過盡無書信
病戴紗巾強出門
獨上荒臺東北望
日西愁立到黃昏

病中哭金鑾子

小女
子名

豈料吾方病
翻悲汝不全
卧驚從枕上
扶哭就燈前有

女誠為累無兒豈免憐病來纔十日養得已三年慈淚
隨聲迸悲腸一作傷遇物牽故衣猶架上殘藥尚頭邊送
出深村巷看封小墓田莫言三里地此別是終天

寄內

條桑初綠即為別柿葉半紅猶未歸不如村婦知時節
解為田夫秋擣衣

病氣

自知氣發每因情情在何由氣得平若問病根深與淺

此身應與病齊生

歎元九

不入城門

一作中

來五載同時班列盡官高何人牢落猶

依舊唯有江陵元士曹

眼暗

早年勤倦看書苦晚歲悲傷出淚多眼損不知都自取
病成方悟欲如何夜昏乍似燈將滅朝闇長疑鏡未磨
千藥萬方治不得唯應閉目學頭陀

得袁相書

穀苗深處一農夫面黑頭斑手把鋤何意使人猶識我
就田來送相公書

病中作

病來城裏諸親故厚薄親疎心總知唯有蔚章於我分
深於同在翰林時

感化寺見元九劉三十二題名處

微之謫去千餘里太白無來十一年今日見名如見面

塵埃壁上破窗前

遊悟貞寺迴山下別張殷衡

世緣未了治一作住不得孤負青山心
共知愁君又入都門去
即是紅塵滿眼時

村居寄張殷衡

金氏村中一病夫
生涯濩落性靈迂
唯看老子五千字
不蹋長安十二衢
藥銚夜傾殘酒煖
竹牀寒取舊氈鋪
聞君欲發江東去
能到茅菴訪別無

病中得樊大書

荒村破屋經年卧寂絕無人問病身唯有東都樊著作
至今書信尚殷勤

開元九詩書卷

紅牋白紙兩三束半是君詩半是書經年不展緣身病
今日開看生蠹魚

晝卧

抱枕無言語空房獨悄然誰知盡日卧非病亦非眠

夜坐

庭前盡日立到夜燈下有時坐徹明此情不語何人會
時復長吁一一作兩聲

暮立

黃昏獨立佛堂前滿地槐花滿樹蟬大抵四時心總苦
就中腸斷是秋天

有感

絕弦與斷絲猶有却續時唯有衷腸斷應無續得期

荅友問

似玉童顏盡如霜病鬢新莫驚身頓老心更老於身

村夜

霜草蒼蒼蟲切切村南村北行人絕獨出前門望野田
月明蕎麥花如雪

聞蟲

暗蟲唧唧夜繚繚況是秋陰欲雨天猶恐愁人暫得睡
聲聲移近卧牀前

寒食夜有懷

寒食非長非短夜春風不熱不寒天
可憐時節堪相憶
何況無燈各早眠

贈內

漠漠闇苔新雨地微微涼露欲秋天
莫對月明思往事
損君顏色減君年

得錢舍人書問眼疾

春來眼闇少心情點盡黃連尚未平
唯得君書勝得藥

開緘未讀眼先明

還李十一馬

傳語李君勞寄馬病來唯著

一作拄

杖扶身縱擬強騎無

出處却將牽與趁朝人

九日寄行簡

摘得菊花攜得酒繞

一作遠

村騎馬思悠悠下邳田地平

如掌何處登高望梓州

夜坐

斜月入前楹迢迢

一作遙

夜坐情梧桐上階影蟋蟀近牀

聲曙傍窗間至秋從簟上生感時因憶事不寢到雞鳴

村居二首

田園莽蒼經春早籬落蕭條盡日風若問經過談笑者
不過田舍白頭翁

門閉仍逢雪厨寒未起烟貧家重寥落半為日高眠

早春

雪散因和氣冰開得暖光春銷不得處唯有鬢邊霜

和夢遊春詩一百韻

并序

微之既到江陵又以夢遊春詩七十韻寄予且題
其序曰斯言也不可使不知吾者知知吾者亦不
可使不知樂天知吾也吾不敢不使吾子知子辱
斯言三復其旨大抵悔既往而悟將來也然子以
為苟不悔不悟則已若悔於此則宜悟於彼也反
於彼而悟於妄則宜歸於真也況與足下外服儒
風內宗梵行者有日矣而今而後非覺路之返也

非空門之歸也將安返乎將安歸乎今所和者其

章旨卒

一作卒
章指

歸於此夫感不甚則悔不熟感不

至則悔不深故廣足下七十韻為一百韻重為足
下陳夢遊之中所以甚感者叙婚仕之際所以至
感者欲使曲盡其妄周知其非然後返乎真歸乎
實亦猶法華經序火宅偈化城維摩經入婬舍過
酒肆之義也微之微之予斯文也尤不可使不知
吾者知幸藏之爾云

昔君夢遊春夢遊仙山曲恍若有所遇似愜平生欲因
尋菖蒲水漸入桃花谷到一紅樓家愛之看不足池流

渡清泚

一作
誰

草嫩蹋綠蓐門柳闇全低檐櫻紅半熟轉

行深深院過盡重重屋烏龍卧不驚青鳥飛相逐漸聞
玉珮響始辨珠履躅遙見窗下人娉婷十五六霞光抱
明月蓮豔開初旭縹緲雲雨仙氛氲蘭麝馥風流薄梳
洗時世寬妝束袖軟異文綾裾輕單絲縠帶腰銀線壓
梳掌金筐感帶頰紫蒲萄袴花紅石竹凝情都未語付

意微相矚眉斂遠山青鬢低片雲綠帳牽翡翠帶被解
鴛鴦襖秀色似堪餐穠華如可掬半卷錦頭席斜鋪繡
腰褥朱脣素指勻粉汗紅繇撲心驚睡易覺夢斷魂難
續籠委獨棲禽劔分連理木存誠期有感誓志貞無贖
京洛八九春未曾花裏宿壯年徒自棄佳會應無復鸞
歌不重聞鳳兆從茲卜韋門女清貴裴氏甥賢淑羅扇
夾花燈金鞍攢繡轂既傾南國貌遂坦東牀腹劉阮心
漸忘潘楊意方睦新修履信第初食尚書祿九醞備聖

賢八珍窮水陸秦家重蕭史彥輔憐衛叔朝饌饋獨盤
夜醪傾百斛親賓盛輝赫妓樂紛煜煜宿醉纔解醒朝
歡俄枕麴飲過君子爭令甚將軍酷酌酤歌鷓鴣顛狂
舞鳴鶴月流春夜短日下秋天速謝傳隙過駒一作蕭
奔光

娘風過

一作送

燭全凋舜花折半死梧桐禿閨鏡對孤鸞

哀弦留寡鵠淒淒隔幽顯冉冉移寒燠萬事此時休百
身何處贖提攜小兒女將領舊姻族再入朱門行一傍
青樓哭榷空無厩馬水涸失池鶩搖落廢井梧荒涼故

籬菊莓苔上几閣塵土生琴筑舞榭綴蟪蛄歌梁聚蝠
蝠嫁分紅粉妾賣散蒼頭僕門客思徬徨家人泣伊嚶
心期正蕭索宦序仍拘跼懷策入嶠函驅車辭邾郈逢
時念既濟聚學思大畜端詳筮仕著磨拭穿楊鏃始從
讎校職首中賢良目一拔侍瑤墀再升紆繡服誓酬君
王寵願使朝廷肅密勿奏封章清明操憲牘鷹韞中病
下豸角當邪觸紕謬靜一作盡東周申寃動南蜀危言詆
閹寺直氣忤鈞軸不忍曲作鈞乍能折為玉捫心無媿

畏騰口有謗讟只要明是非何曾虞禍福車推太行路

劍落鄴城獄襄漢問修途荆蠻指殊俗謫為江府掾遣

事荊州牧趨走謁麾幢喧煩視鞭朴簿書常自領縲囚

每親鞫竟日坐官曹經旬曠休沐宅荒渚宮草馬瘦禽

田粟薄俸等涓毫微官同桎梏月中照形影天際辭骨

肉鶴病翅羽垂獸窮爪牙縮行看鬚間白誰勸杯中綠

時傷大野麟命問長沙鵬夏梅山雨漬秋瘴江

一作雲海

毒巴水白茫茫楚山青簇簇吟君七十韻是我心所蓄

既去誠莫追將來幸前勛欲除憂惱病當取禪經讀
悟事皆空無令念將屬請思遊春夢此夢何閃倏豔色
即空花浮生乃焦穀良姻在嘉偶頃刻為單獨入仕欲
榮身湏臾成黜辱合者離之始樂兮憂所伏愁恨僧祇
長歡榮刹那促覺悟因傍喻迷執由當局膏明誘闇蛾
陽焱奔癡鹿貪為苦聚落愛是悲林麓水蕩無明波輪
迴死生一作生死輻塵應甘露灑垢待醍醐浴障要智燈燒
魔須慧刀戮外熏性易染內戰心難劬法句與心王期

君日三復

微之常以法句及心王頭陀經相示故申言以卒其志也

王昭君二首

時年十七

滿面胡沙滿鬢

一作面

風眉銷殘黛臉銷紅愁苦辛勤顛

頰盡如今却似

一作是

畫圖中

漢使却回憑寄語黃金何日贖蛾眉君王若問妾顏色
莫道不如宮裏時

御定全唐詩卷四百三十七

欽定四庫全書蒼要卷一萬七千八百四十三

集部

御定全唐詩卷四百三十八

白居易

渭村退居寄禮部崔侍郎翰林錢舍人詩一百

韻

聖代元和歲閒居渭水陽不才甘命舛多幸遇時康朝
野分倫序賢愚定否臧重文疎卜式尚少棄馮唐由是
推天運從茲樂性場籠禽放高翥霧豹得深藏世慮休

相擾身謀且自強，猶須務衣食。未免事農桑，薶草通三

徑。開田占一坊，晝扉扃白版。夜碓埽黃梁，隙地治場圃。

閒時糞土疆，枳籬編刺夾。齷齪擘科秧，穡力嫌身病。農

心願歲穰，朝衣典杯酒。佩劍博牛羊，困倚栽松錡。飢提

采蕨筐，引泉來後澗。移竹下前岡，生計雖勤苦。家資甚

渺茫，塵埃常滿甌。錢帛少盈囊，弟病仍扶杖。妻愁不出

房，傳衣念縑縷。縷一作縷舉案笑糟糠，犬吠村胥鬧。蟬鳴織

婦忙，納租看縣帖。輸粟問軍倉，夕歇攀村樹。秋行繞野

塘雲容陰慘澹月色冷悠揚蕎麥鋪花白棠梨間葉黃
早寒風撼撼新霽月蒼蒼園菜迎霜死庭蕪過雨荒檐
空愁宿燕僻閣思啼蟹眼為看書損肱因運甕傷病骸
渾似木老鬢欲成霜少睡知年長端憂覺夜長舊遊多
廢忘往事偶思量忽憶煙霄路常陪劍履行登朝思檢
束入閣學趨蹌命偶風雲會恩覃雨露霽霑枯發枝葉
磨鈍起鋒鋞崔閣連鑣騫錢凡接翼翔齊竽混韶夏燕
石廁琳琅同日升金馬分宵直未央共詞加寵命合表

謝恩光廐馬驕初跨天厨味始嘗朝晡頒餅餌寒暑賜
衣裳對秉鵝毛筆俱含雞舌香青縑衾薄絮朱裏幕高
張晝食恒連案宵眠每竝牀差肩承詔旨連署進封章
起草偏同視疑文最共詳減私容點竄窮理析毫芒便
共輸肝膽何曾異肺腸慎微參石奮決密與一作學張湯

禁闈青交瑣宮

一作官

垣紫界牆井闌排菡萏檐瓦鬪鴛

鴛樓額題鳩鵲池心浴鳳凰風枝萬年動溫樹四時芳
宿露凝金掌晨暉上璧璫砌筠塗綠粉庭果滴紅漿曉

從朝興慶春陪宴柏梁傳呼鞭索索拜舞珮鏘鏘仙仗
環雙闕神兵闢兩廂火翻紅尾旆冰卓白竿槍滉漾經
魚藻深沈近浴堂分庭皆命婦對院一作面即儲皇貴主

冠浮動親王轡鬧裝金鈿相照耀朱紫間熒煌毬簇桃
花綺歌巡竹葉觴去聲銀中貴帶昂黛內人妝賜袂東

城下頌脯曲水傍尊罍分聖酒妓樂借仙倡淺酌看紅
藥徐吟把綠楊宴迴過御陌行歇入僧房白鹿原東脚

一作郭青龍寺北廊望春花景暖避暑竹風涼下直閒如

社尋芳醉似狂，有時還後到無處。不相將雞鶴，初雖雜
蕭蘭。久乃彰來燕隗，貴重去魯孔恓惶。聚散期難定，飛
沈勢不常。五年同晝夜，一別似參商。屈折孤生竹，銷摧

百鍊鋼。

一作剛

途窮任顛顛，道在肯徬徨。

一作惴惴

尚念遺簪

折，仍憐病雀瘡。卹寒分賜帛，救餒減餘糧。藥物來盈裹，
書題寄滿箱。殷勤翰林主，珍重禮闈郎。煦沫誠多謝，搏
扶豈所望。提攜勞氣力，吹簸不飛揚。拙劣才何用，龍鍾
分自當。妝嫫徒費黛，磨甌詎成璋。習隱將時背，干名與

道妨外身宗老氏齊物學蒙莊疎放遺千慮愚蒙守一
方樂天無怨歎倚命不助勅憤懣曾須豁交加臂莫攘
珠沈猶是寶金躍未為祥泥尾休搖掉灰心罷激昂漸
閒親道友因病事醫王息亂歸禪定存神入坐亡斷癡
求慧劍濟苦得慈航不動為吾志無何是我鄉可憐身
與世從此兩相忘

酬盧祕書二十韻

時初奉詔除
贊善大夫

謬歷文場選慙非翰苑才雲霄高暫致毛羽弱先摧識

分忘軒冕知歸返草萊杜陵書積蠹豐獄劍生苔晦厭

鳴雞雨春驚震蟄雷舊恩收墜履新律動寒灰鳳詔容

徐起鵝行許重陪衰顏雖拂拭蹇步尚低一作徘徊少

鐘偏警行遲漏苦催風霜趁朝去泥一作雨雪拜陵迴上

感君猶念傍慙友或推石頑鑄費匠一作力女醜嫁勞媒

倏忽青春度奔波白日一作石頽性將時共背病與老俱

來聞有蓬壺客知懷杞梓材世家標甲第一作地官職滯

麟臺筆盡鉛黃點詩成錦繡堆嘗思豁雲霧忽喜訪塵

埃心為論文合眉因勸善開不勝珍重意滿袖寫瓊瑤
題盧祕書夏日新栽竹二十韻

湘竹初封植盧生此考槃久持霜節苦新託露根難等
度須一作雖當砌一作戶疎稠要滿闌買憐分薄俸栽稱作

閒官葉翦藍羅碎莖抽玉琯端幾聲清浙瀝一簇綠檀
藥未夜青嵐入先秋白露團一作溽拂肩搖翡翠慰手弄

琅玕韻透窗風起陰鋪砌月殘炎天聞覺冷窄地見疑
寬梢動勝搖扇枝低好挂冠碧籠煙幕幕珠灑雨珊珊

晚

一作曉

擇晴雲展陰芽蟄虺蟠愛從抽馬策惜未截魚

竿松韻徒煩聽桃夭不足觀梁慙當家杏臺陋本司蘭

古詩云

盧家蘭室杏為

桑又祕書府即蘭臺也

撐撥詩人興勾牽酒客歡靜連

蘆簟滑涼拂葛衣單豈止消時暑應能保歲寒莫同凡
草木一種夏中看

渭村酬李二十見寄

百里音書何太遲暮秋把得暮春詩柳條綠日君相憶
梨葉紅時我始知莫歎學官貧冷落猶勝村客病支離

形容意緒，遙看取不似華陽觀裏時。

初授贊善大夫早朝寄李二十助教

病身初謁青宮日，衰貌新垂白髮年。
寂莫曹司非熱地，蕭條風雪是寒天。
遠坊早起常侵鼓，瘦馬行遲苦費鞭。
一種共君官職冷，不如猶得日高眠。

欲與元八卜鄰先有是贈

平生心迹最相親，欲隱牆東不為身。
明月好同三徑夜，綠楊宜作兩家春。
每因暫出猶思伴，豈得安居不擇鄰。

何獨終身數相見子孫長作隔牆人

遊城南留元九李二十晚歸

老遊春飲莫相違不獨花稀人亦稀更勸殘杯看日影
猶應趁得鼓聲歸

廣宣上人以應制詩見示因以贈之詔許上人

居安國寺紅樓院以詩供奉

道林談論惠休詩一到人天一作人間便作師香積筵承紫

泥詔昭陽歌唱碧雲詞紅樓許住請平銀鑰翠輦陪行

蹋玉墀惆悵甘泉曾侍從與君前後不同時

重過祕書舊房因題長句

時為贊善大夫

閣前下馬思裴回第二房門手自開昔為白面書郎去
今作蒼鬚一作頭贊善來吏人不識多新補松竹相親是
舊栽應有題牆名姓在試將衫袖拂塵埃

重到城七絕句

見元九

容貌一日減一日心情十分無九分每逢陌路猶嗟歎

何況今朝是見君

高相宅

青苔故里懷恩地
白髮新生抱病身
涕淚雖多無哭處
永寧門館屬他人

張十八

諫垣幾見遷遺補
憲府頻聞轉殿監
獨有詠詩張太祝
十年不改舊官銜

劉家花

劉家牆上花還發
李十門前草又春
處處傷心心始悟
多情不及少情人

襄五

莫怪相逢無笑語
感今思舊戟門前
張家伯仲偏相似
每見清揚一作青揚一惘然

仇家酒

年年老去歡情少
處處春來感事深
時到仇家非愛酒
醉時心勝醒時心

恒寂師

舊遊分散人零落如此傷心事幾條
會逐禪師坐禪去
一時滅盡定中消

靖安北街贈李二十

榆莢拋錢柳展眉兩人竝馬語行遲
還似往年安福寺
共君私試却迴時

重傷小女子

學人言語凭牀行嫩似花房脆似瓊
纔知恩愛迎三歲

未辨東西過一生汝異下殤應殺禮吾非上聖詎忘情
傷心自歎鳩巢拙長墮春雛養不成

過顏處士墓

向墳道

一作通

徑沒荒榛滿室詩書積閣塵長

一作厚

夜月

教黃壤曉悲風不許白楊春
簞瓢顏子生仍促布被黔
婁死更貧未會悠悠上天意
惜將富壽與何人

題周皓

一作浩

大夫新亭子二十二韻

東道常為主南亭別待賓
規模何日創景致一時新
廣

砌羅紅藥疎

一作高

窗蔭綠筠鎖開賓閣曉

一作晚

梯上妓

樓春置醴寧三爵加籩過八珍茶香飄紫筍膾縷落紅

鱗輝赫車輿鬧珍奇鳥獸馴獼猴看檉馬鸚鵡喚家人

錦額簾高卷銀花醞慢巡勸嘗光祿酒許看洛川神

周兼

光祿卿有家
妓數十人

斂翠凝歌黛流香動舞巾
帚翻繡灘鷺梳

陷鈿麒麟笛怨音含楚箏嬌語帶秦侍兒催畫燭醉客

吐文茵投轄多連夜

一作曙

鳴珂便達晨入朝紆紫綬待

漏擁朱輪貴介交三事光榮照四鄰甘濃將奉客穩暖

不緣身十載歌鐘地三朝節鉞臣愛才心倜儻敦舊禮
殷勤門以招賢盛家因好事貧始知豪傑意富貴為交
親

賦得聽邊鴻

驚風吹起塞鴻羣半拂平沙半入雲為問昭君月下聽
何如蘇武雪中聞

見楊弘貞詩賦因題絕句以自諭

賦句詩章妙入神未年三十即無身常嗟薄命形顛顛

若比弘貞是幸人

病中早春

今朝枕上覺頭輕
強起階前試脚行
羶膩斷來無氣力
風痰惱得少心情
暖消霜瓦津初合
寒減冰渠凍不成
唯有愁人鬢間雪
不隨春盡逐春生

送人貶信州判官

地僻山深古上饒
土風貧薄道程遙
不唯遷客須恓屑
見說居人也寂寥
溪畔毒沙藏水弩
城頭枯樹下山魘

若於此郡為卑吏刺史廳前又折腰

曲江醉後贈諸親故

郭東丘墓何年客江畔風光幾日春只合殷勤逐杯酒
不須疎索向交親中天或有長生藥下界應無不死人
除却醉來開口笑世間何事更關身

和元八侍御升平新居四絕句

時方與元
八卜鄰

看花屋

忽驚映樹新開屋却似當檐故種花可惜年年紅似火

今春始得屬元家

累土山

堆土漸高山意出終南移入戶庭間玉峰藍水應惆悵

恐見新山望舊山

元舊居在藍田山

高亭

亭脊太高君莫拆東家留取當西山好看落日斜銜處
一片春嵐映半環

松樹

白金換得青松樹君既先栽我不栽幸有西風易憑仗

夜深偷送

一作得

好聲

一作春

來

醉後却寄元九

蒲池村裏恩恩別澧水橋邊兀兀迴行到城門殘酒醒
萬重離恨一時來

重寄

一作重寄元九

蕭散弓驚雁分飛劍化龍悠悠天地內不死會相逢

李十一舍人松園飲小酌酒得元八侍御詩敘

云在臺中推院有鞫獄之苦即事書懷因酬四

韻

愛酒舍人開小酌能文御史寄新詩
亂松園裏醉相憶
古柏廳前忙不知
早夏我當逃暑日
晚衙君是慮囚時

唯應清夜無公事
新草亭中好一期

元於升平宅
新立草亭

重到華陽觀舊居

憶昔初年三十二
當時秋思已難堪
若為重入華陽院
病鬢愁心四十三

答勸酒

莫怪近來都不飲，幾迴因醉却霑巾。
誰料平生狂酒客，如今變作酒悲人。

題王侍御池亭

朱門深鎖春池滿，岸落薔薇水浸莎。
畢竟林塘誰是主，主人來少客來多。

聽水部吳員外新詩因贈絕句

朱紱仙郎白雪歌，和人雖少愛人多。
明朝說與一作向詩

人道水部如今不姓何

雨夜憶元九

天陰一日便堪愁何況連宵雨不休一種雨中君最苦

偏梁閣道向通

一作州東

雨中攜元九詩訪元八侍御

微之詩卷憶同開假日多應不入臺好句無人堪共詠
衝泥蹋水就君來

贈楊祕書巨源

楊嘗有贈盧洺州詩云三刀夢益州一箭取遼城由是知名

早聞一箭取遼城相識雖新有故情清句三朝誰是敵
白鬚四海半為凡貧家雜草時時入瘦馬尋花處處行
不用更教詩過好折君官職是聲名

和武相公感韋令公舊池孔雀

同用
深字

索莫少顏色池邊無主禽難收帶泥翅易結著人心頂
毳落殘碧尾花銷闍金放歸飛不得雲海故巢深

寄生衣與微之因題封上

淺色縠衫輕似霧紡花紗袴薄於雲莫嫌輕薄但知著

猶恐通州熱殺君

白牡丹

白花冷澹無人愛亦占芳名道牡丹應似一作是東宮白
贊善被人還喚作朝官

夢舊

別來老大苦修道鍊得離心成死灰平生憶念消磨盡
昨夜因何入夢來

戲題盧祕書新移薔薇

風動翠條腰
嫋娜嫋一作嫋
露垂紅萼
淚闌干
移他到此須

為主不別

愛一作

花人莫使看

曲江夜歸聞元八見訪

自入臺來見面稀
班中遙得揖容輝
早知相憶來相訪
悔待江頭明月歸

苦熱題恒寂師禪室

人人避暑走如狂
獨有禪師不出房
可是禪房無熱到
但能心靜即身涼

微之到通州日授館未安見塵壁間有數行字
讀之即僕舊詩其落句云淥水紅蓮一朵開千
花百草無顏色然不知題者何人也微之吟歎
不足因綴一章兼錄僕詩本同寄省其詩乃十
五年前初及第時贈長安妓人阿輦絕句緬思
往事杳若夢中懷舊感今因酬長句

十五年前似夢遊曾將詩句結風流偶助笑歌嘲阿輦
可知傳誦到通州昔教紅袖佳人唱今遣青衫司馬愁

惆悵又聞題處所
雨淋江館破牆頭

得微之到官後書
備知通州之事
悵然有感
因成四章

來書子細說通州
州在山根峽岸頭
四面千重火雲合
中心一道瘴江流
蟲蛇白晝攔官道
蚊蚋一作黃昏撲
郡樓何罪遣君居
此地天高無處問
來由

匱匱巔山萬仞餘
人家應似甌中居
寅年籬下多逢虎
亥日沙頭始賣魚
衣斑梅雨長須熨
米澀畬田不解鋤

努力安心過三考已曾愁殺李尚書

李實尚書先貶此州身歿於彼處

人稀地僻醫巫少夏旱秋霖瘴瘧多老去一身須愛惜
別來四體得如何侏儒飽笑東方朔意以讒憂馬伏波
莫遣沈愁結成病時時一唱濯纓歌

通州海內恓惶地司馬人間冗長去官傷鳥有弦驚不

定卧龍無水動應難劍埋獄底誰深掘松偃霜中盡冷
看舉目爭能不惆悵高車大馬滿長安

病中荅招飲者

顧我鏡中悲白髮盡上津君花下醉青春不緣眼痛兼身
病可是尊前第二人

燕子樓三首 并序

徐州故張尚書有愛妓曰盼盼善歌舞雅多風態
予為校書郎時遊徐泗間張尚書宴予酒酣出盼
盼以佐歡歡甚予因贈詩云醉嬌勝不得風嫋牡
丹花一歡而去爾後絕不相聞迨茲僅一紀矣昨
日司勳員外郎張仲素續之訪予因吟新詩有燕

子樓三首詞甚婉麗詰其由為盼盼作也續之從事武寧軍累年頗知盼盼始末云尚書既歿歸葬東洛而彭城有張氏舊第第中有小樓名燕子盼盼念舊愛而不嫁居是樓十餘年幽獨塊然於今尚在予愛續之新詠感彭城舊遊因同其題作三

絕句

滿窗明月滿簾霜被冷燈殘拂卧牀燕子樓中霜月夜
秋來只為一人長

鈿暈羅衫色似煙幾回欲著即潸然自從不舞霓裳曲
疊在空箱十一年

今春有客洛陽回曾到尚書墓上來見說白楊堪作柱
爭教紅粉不成灰

初貶官過望秦嶺

自此後詩江
州路上作

草草辭家憂後事遲遲去國問前途望秦嶺上回頭立
無限秋風吹白鬚

藍橋驛見元九詩

詩中云江陵
歸時逢春雪

藍橋春雪君歸日
秦嶺秋風我去時
每到驛亭先下馬
循牆繞柱覓君詩

韓公堆寄元九

韓公堆北澗西頭
冷雨涼風拂面秋
努力南行少惆悵
江州猶似勝通州

發商州

商州館裏停三日
待得妻孥相逐行
若比李三猶自勝

兒啼婦哭不聞聲

時李固
言新歿

武關南見元九題山石榴花見寄

往來同路不同時前後相思兩不知行過關門

一作西

三

四里榴花不見見君詩

紅鸚鵡

商山路逢

安南遠進紅鸚鵡色似桃花語似人文章辯慧皆如此
籠檻何年出得身

題四皓廟

一作題商山廟

卧逃秦亂起安劉舒卷如雲得自由若有精靈應笑我

不成一事謫江州

罷藥

自學坐禪休服藥從他時復病沈沈此身不要全彊健
彊健多生人我心

白鷺

人生四十未全衰我為愁多白髮垂何故水邊雙白鷺
無愁頭上亦垂絲

襄陽舟夜

一作中

下馬襄陽郭移舟漢陰驛
秋風截江起寒浪連天白
本是多愁人復此風波夕

江夜舟行

煙澹月濛濛舟行夜色中
江鋪滿槽水帆展半檣風
呌曙砮砮雁啼秋唧唧蟲
只應催北客早作白鬚翁

紅藤杖

交親過澹別車馬到江迴
唯有紅藤杖相隨萬里來

江上吟元八絕句

大江深處月明時
一夜吟君小律詩
應有水仙潛出聽
翻將唱作步虛詞

途中感秋

節物行搖落
年顏坐變衰
樹初黃葉日
人欲白頭時
鄉國程程遠
親朋處處辭
唯殘一作憐病與老
一步不相離

登郢州白雪樓

白雪樓中一望鄉
青山簇簇水茫茫
朝來渡口逢京使

說道煙塵近洛陽

時淮西寇未平

舟夜贈內

三聲猿後垂鄉淚
一葉舟中載病身
莫凭水窗南北望
月明月闇總愁人

逢舊

我梳白髮添新恨
君埽青蛾減舊容
應被傷人怪惆悵
少年離別老相逢

白口阻風十日

洪濤白一作波
浪塞江津處處遘
迴事事迤世上方為失

途客江頭又作阻風人魚鰕遇雨腥盈鼻蚊蚋和煙癢
滿身老大光陰能幾日等閒白口坐經旬

浦中夜泊

暗上江隄還獨立水風霜氣夜稜稜回看深浦停舟處
蘆荻花中一點燈

望
盧侍御與崔評事為予於黃鶴樓置宴宴罷同

江邊黃鶴古時樓勞置華筵待我遊楚思森茫雲水冷

商聲清脆管弦秋
白花浪濺頭陀寺
紅葉林籠鸚鵡洲
總是平生未行處
醉來堪賞醒堪愁

舟中讀元九詩

把君詩卷燈前讀
詩盡燈殘天未明
眼痛滅燈猶閣

一作

暗坐逆風吹浪打船聲

舟行阻風寄李十一舍人

扁舟厭泊煙波上
輕策閒尋浦嶼間
虎蹋青泥稠似印
風吹白浪大於山
且愁江郡何時到
敢望京都幾歲還

今日料君朝退後迎寒新耐煖開顏

李十一好小
耐酒故云

雨中題衰柳

濕屈青條折寒飄黃葉多不知秋雨意更遣欲如何

題王處士郊居

半依雲渚半依山愛此令人不欲還負郭田園八九頃
向陽茅屋兩三間寒松縱老風標在野鶴雖飢飲豕閒
一卧江村來早晚著書盈帙鬢毛斑

歲晚旅望

朝來暮去星霜換陰慘陽舒氣序牽萬物秋霜能壞色
四時冬日最凋年煙波半露新沙地鳥雀羣飛欲雪天
向晚蒼蒼南北望窮陰旅一作離思兩無邊

晏坐閒吟

昔為京洛聲華客今作江湖潦一作老倒翁意氣銷磨羣

動裏形骸變化百年中霜侵殘鬢賓無多黑酒伴衰顏只
暫紅願學禪門非想定千愁萬念一時空

題李山人

厨無煙火室無妻籬落蕭條屋舍低每日將何療飢渴
井華雲粉一刀圭

讀莊子

去國辭家謫異方中心自怪少憂傷為尋莊子知歸處
認得無何是本鄉

江樓偶宴贈同座

南浦閒行罷西樓小宴時望湖凭檻久待月放杯遲江
果嘗盧橘山歌聽竹枝相逢且同樂何必舊相知

放言五首 并序

元九在江陵時有放言長句詩五首韻高而體律
意古而詞新予每詠之甚覺有味雖前輩深於詩
者未有此作唯李頎有云濟水自清河自濁周公
大聖接輿狂斯句近之矣予出佐潯陽未屆所任
舟中多暇江上獨吟因綴五篇以續其意耳

朝真暮偽何人辨古往今來底事無但愛臧一作莊生能

詐聖可知甯子解佯愚草螢有耀終非火荷露雖團豈

是珠不取燔柴兼照乘可憐光彩亦何殊

世途倚伏都無定塵網牽纏卒未休禍福回還車轉轂
榮枯反覆手藏鈎龜靈未免剗腸患馬失應無折足憂
不信君看奕碁者輸贏須待局終頭

贈君一法決狐疑不用鑽龜與祝著試玉要燒三日滿

真玉燒三日不熟

辨材須待七年期

豫章木生七年而後知

周公恐懼流

言後

一作日

王莽謙恭未篡時向使當初

一作時

身便死一

生真偽復誰知

誰家第宅成還破何處親賓哭復歌昨日屋頭堪炙手
今朝門外好張羅北邙未省留閒地東海何曾有定波
莫笑賤貧誇富貴共成枯骨兩如何

泰山不要欺毫末顏子無心羨老彭松樹千年終是朽
槿花一日自為榮何須戀世常憂死亦莫嫌身漫厭生
生去死來都是幻幻人哀樂繫何情

歲暮道情二首

壯日苦曾驚歲月長年都不惜光陰為學空門平等法

先齊老少死生心

半故青衫半白頭
雪風吹面上江樓
禪功自見無人覺
合是愁時亦不愁

讀李杜詩集因題卷後

翰林江左日員外
劍南時不得高官職
仍逢苦亂離暮
年逋客恨浮世
謫仙悲吟詠
留千古聲名
動四夷文場

供秀句樂府待新詞
天意君須會
人間要好詩

賀監知
章目李

白為謫
仙人

強酒

若不坐禪銷妄想即須行

一作吟

醉放狂歌不然秋月春

風夜爭那閒思往事何

獨樹浦雨夜寄李六郎中

忽憶兩家同里巷何曾一處不追隨閒遊預算分朝日

靜語

一作話

多同待漏時花下放狂衝黑飲燈前起坐徹

明棊可知風雨孤舟夜蘆葦叢中作此詩

聽崔七妓人箏

花臉雲鬟坐玉樓十三弦裏一時愁憑君向道休彈去
白盡江州司馬頭

望江州

江迴望見雙華表知是潯陽西郭門猶去孤舟

一作城

三

四里水煙沙雨欲黃昏

初到江州

潯陽欲到思無窮庾亮樓南湓口東樹木凋疎山雨後
人家低濕水煙中孤蔣餒馬行無力蘆荻編房卧有風

遙見朱輪來出郭相迎勞動使君公


醉後題李馬二妓

行搖雲髻花鈿節應似霓裳趁管弦豔動舞裙渾是火
愁凝歌黛欲生煙有風縱道能迴雪無水何由忽吐蓮
疑是兩般心未決雨中神女月中仙

盧侍御小妓乞詩座上留贈

鬱金香汗裛歌巾山石榴花染舞裙好似文君還對酒
勝於神女不歸雲夢中那及覺時見宋玉荆王應羨君

御定全唐詩卷四百三十八



總校官庶吉士臣張能照

校對官檢討臣王鍾健

謄錄監生臣王旭暢

欽定四庫全書薈要

集部

御定全唐詩卷四百

三十九至
四十一

詳校候補通駁經歷臣郭祚職

欽定四庫全書會要卷一萬七千八百四十四

集部

御定全唐詩卷四百三十九

白居易

東南行一百韻寄通州元九侍御澧州李十一
舍人果州崔二十二使君開州韋大員外庾三
十二補闕杜十四拾遺李二十助教員外竇七

校書

元稹集和此詩注內本題末
尚有兼投弔席八舍人七字

南去經三楚東來過五湖山頭看候館水面問征途地



遠窮江界天低極

一作接

海隅飄零同落葉浩蕩似乘桴

漸覺鄉原異深知土產

一作俗

殊夷音語嘲啗蠻態笑睢

盱水市通闌闌煙村混舳舻吏徵漁戶稅人納火田租

夾日饒鰕蟹寅年足虎羆成人男作外事

一作似

鬼女為

巫樓閣攢娼婦隄長簇販夫夜船論鋪賃春酒斷併酤

見果皆盧橘聞禽悉鷓鴣山歌猿獨叫野哭鳥相呼嶺

徼雲成棧江郊水當郭月移翹柱鶴風汎颭檣烏整礎

潮無信蛟驚浪不虞鼉鳴江搗鼓

一作泉窟室

蜃氣海

一作結氣

浮圖樹裂山魃穴沙含水弩樞喘牛犁紫芋羸馬放青

菰繡面誰家婢鴟頭幾歲奴泥中采菱芡燒後拾樵蘇

鼎膩愁烹鼈盤腥厭膾鱸鍾儀徒戀楚張翰浪思吳氣

序涼還熱光陰旦復晡身方逐萍梗年欲近桑榆渭北

田園廢江西歲月徂憶歸恒慘澹懷舊忽踟躕自念咸

秦客嘗為鄒魯儒蘊藏經國術輕棄度關繻賦力凌鸚

鵠詞鋒敵轆轤戰文重掉鞅射策一彎弧崔杜鞭齊下

元韋轡並驅名聲逼

一作敵

揚馬交分過蕭朱世務輕摩

揣周行竊覲覲風雲皆會合雨露各霑濡共遇

一作偶

升

平代偏慙固陋軀承明連夜直建禮拂晨趨美服頌王

府珍羞降御廚議高通白虎諫切伏青蒲栢殿行陪宴

花樓走看酺神旗張鳥獸天籟動笙竽戈

一作九

劔星芒

耀魚龍電策駢定場排越伎

一作漢旅

促坐進吳歆縹緲疑

仙樂嬋娟勝畫圖歌鬟低翠羽舞汗隋紅珠別選閒遊

伴潛招小飲徒一杯愁已破三醞氣彌麤輕美仇家酒

幽閒葛氏姝十千方得斗二八正當壚論笑杓胡律

一作

碑
談憐鞏嘒嚙李酣猶短竇庾醉更薦迂鞍馬呼教住

骹盤喝遣輸長

一作急

驅波卷白連擲采成盧

骹盤卷白波莫走鞍

馬皆當時酒令

籌并頻逃席觥嚴列

一作別

置盃滿

一作漏

卮那可

灌頽玉不勝扶入視中樞草歸乘內廐駒醉曾衝宰相

驕不揖金吾日近恩雖重雲高勢却

一作易

孤翻身落霄

漢失脚倒

一作到

泥塗博望移門籍潯陽佐郡符

予自太子贊善

大夫出為江州司馬

時情變寒暑世利算錙銖卽

一作望

日辭雙闕

明朝別九衢播遷分郡國次第出京都

十年春微之移佐通州其年秋

予出佐潯陽明年冬杓直出牧澧州
崔二十二出牧果州韋大出牧開州

秦嶺馳三驛商山

上二邠

商山險道中有東西二邠

峴陽亭寂莫夏口路崎嶇大道全

生棘中丁盡執爨江關未撤警淮寇尚稽誅

時淮西未平路經襄

鄂二州界所見如此

林對東西寺山分大小姑

東林西林寺在廬山北大姑小姑在

廬山南彭蠡湖中

廬峰蓮刻削湓浦

一作水

帶縈紆

蓮花峰在廬山北湓水在

江城南何遜詩云湓城對湓水湓水縈如帶

九派吞青草

潯陽江九派南通青草洞庭湖孤

城覆綠蕪

南方城壁多以草覆

黃昏鐘寂寂清曉角鳴鳴春色辭

門柳秋聲到井梧殘芳悲

一作怨

鷓鴣

音啼見楚詞

暮節感茱

萸葉折金英菊花飄雪片蘆波紅日斜沒沙白月平鋪
幾見林抽筍頻驚燕引雛歲華何倏忽年少不須臾眇
默思千古蒼茫想八區孔窮緣底事顏夭有何辜龍智

一作聖

猶經

一作遭

醞

龜靈

未免

劄窮

通應

已定

聖哲

不能

逾

一作踰

況我身謀

一作謀生

拙逢

他厄

運拘

飄流

隨

一作從

大

海鍾鍛任洪鑪險阻嘗之矣栖遲命也夫沉冥消意氣
窮餓耗肌膚防瘴和殘藥迎寒補舊襦書牀鳴蟋蟀琴
匣網蜘蛛貧室

一作活

如懸磬

端憂

劇守

株時

遭人

指點

一作客
答難

數被鬼揶揄兀兀都疑夢昏昏半是一作愚女

驚朝不起妻怪夜長吁萬里拋

一作離

朋侶

一作執

三年隔

友于自然悲聚散不是恨榮枯去夏微之瘡今春席八

殂天涯書達否泉下哭知無

去年聞元九瘴瘡書去竟未報今春聞席八歿久與

還往能無慟哭

謾寫詩盈卷

一作軸

空盛酒滿壺只添新悵望豈

復舊歡娛壯志因愁減衰容與病俱相逢應不識滿領

白髭鬚

謫居

面瘦頭斑四十四遠謫江州為郡吏逢時棄置從不才
未老衰羸為何事火燒寒澗松為燼霜降春林花委地
遭時榮悴一時間豈是昭昭上天意

初到江州寄翰林張李杜三學士

早攀霄漢上天衢晚落風波委世途雨露施恩無厚薄
蓬蒿隨分有榮枯傷禽側翅驚弓箭老婦低顏事舅姑
碧落三仙曾識面年深記得姓名無

庾樓曉望

獨憑朱檻立凌晨山色初明水色新竹霧曉籠銜嶺月
蘋風暖送過江春子城陰處猶殘雪衙鼓聲前未有塵
三百年來庾樓上曾經多少望鄉人

宿西林寺

木落天晴山翠開愛山騎馬入山來心知不及柴桑令

一宿西林便却

一作回柴桑令劉遺民也

江樓宴別

樓中別曲催離酌燈下紅裙間綠袍縹緲楚風羅綺薄

錚鏃越調管弦高
寒流帶月澄如鏡
夕吹和霜利似刀
尊酒未空歡未盡
舞腰歌袖莫辭勞

題山石榴花

一叢千朶壓闌干
剪碎紅綃却作團
風嫋舞腰香不盡
露銷妝臉淚新一作初
乾薔薇帶刺攀應嬾
菡萏生泥玩
亦難爭及此花
檐戶下任人采
弄儘人看

代春贈

山吐晴嵐

一作峰

水放光辛夷花白柳梢黃
但知莫作江

西意風景何曾異帝鄉

答春

草煙低重水花明從道風光似帝京
其奈山猿江上叫故鄉無此斷腸聲

櫻桃花下歎白髮

逐處花皆好隨年貌自衰
紅櫻滿眼日白髮半頭時倚
樹無言久攀條欲放遲
臨風兩堪歎如雪復如絲

惜落花贈崔二十四

漠漠紛紛不柰何
狂風急雨兩相和
晚來悵望君知否
枝上稀疏地上多

移山櫻桃

亦知官舍非吾宅
且劔山櫻滿院栽
上佐近來多五考
少應四度見花開

官舍閒題

職散優閒地
身慵老大時
送春唯有酒
銷日不過碁
祿米麀牙稻
園蔬鴨脚葵
飽餐仍晏起
餘暇弄龜兒

龜兒
卽小

名姪

晚春登大雲寺南樓贈常禪師

花盡頭新白登樓意若何
歲時春日少世界苦人多
愁醉非因酒悲吟不是歌
求師治此病唯勸讀楞伽

北樓送客歸上都

憑高眺

一作送

遠一悽悽却下朱闌卽解

一作手共

攜京路人

歸天直北江樓客散日平西
長津欲度迴舟尾殘酒重
傾簇馬蹄不獨別君須強飲
窮愁自要醉如泥

北亭招客

疎散郡丞同野客，幽閒官舍抵山家。
春風北戶千莖竹，晚日東園一樹花。
小醜吹醅嘗冷酒，深鑪敲火炙新茶。
能來盡日觀一作宮棊，否太守知慵放晚衙。

宿西林寺早赴東林，滿上人之會，因寄崔二十
二員外

謫辭魏闕鷓鴣隔，老入廬山麋鹿隨。
薄暮蕭條投寺宿，凌晨清淨與僧期。
雙林我起聞鐘後，隻日君趨入閣時。

鵬鷄高低分皆定莫勞心力遠相思

遊寶稱寺

竹寺初晴日花塘欲曉

晚一作

春野猿疑弄客山鳥似呼

人酒嫩傾金液茶新碾玉塵可憐幽靜地堪寄老慵身

早春聞提壺鳥因題鄰家

厭聽秋猿催下淚喜聞春鳥勸提壺誰家紅樹先花發
何處青樓有酒酤進士簷豪尋靜盡拾遺風采近都無
欲期明日東鄰醉變作騰騰一俗夫

見紫薇花憶微之

一叢暗澹將何比，淺碧籠裙襯紫巾。
除却微之見應愛，

人間少有別

惜一作

花人

薔薇花一叢獨死，不知其故因有是篇

柯條未嘗損，根發不曾移。
同類今齊茂，孤芳忽獨萎。
仍憐委地日，正是帶花時。
碎碧初凋葉，焦紅尚戀枝。
乾坤無厚薄，草木自榮衰。
欲問因何事，春風亦不知。

湖亭望水

久雨南湖漲新晴北客過日沈紅有影風定綠無波岸
沒閭閻少灘平船舫多可憐心賞處其柰獨遊何

閒遊

外事因慵廢中懷與靜期尋泉上山遠看筍出林遲白
石磨樵斧青竿理釣絲澄清深淺好最愛夕陽時

憶微之傷仲遠

李三仲遠
去年春喪

幽獨辭羣久漂流去國賒只將琴作伴唯以酒為家感
逝因看水傷離為見花李三埋地底元九謫天涯舉眼

青雲遠回頭白日斜可能勝賈誼猶自滯長沙

過鄭處士

聞道移居村塢間竹林多處獨開關故來不是求他事
暫借南亭一望山

霖雨苦多江湖暴漲塊然獨望因題北亭

自作潯陽客無如苦雨何陰昏晴日少閒悶睡時多湖
闊將天合雲低與水和籬根舟子語巷口釣人歌霧島
沈黃氣風帆蹙白波門前車馬道一宿變江河

春末夏初閒遊江郭二首

閒出乘輕屐徐行蹋軟沙觀魚傍湓浦看竹入楊家

湓浦

多魚浦西有楊侍郎宅多好竹

林迸穿籬筍藤飄落水花雨埋釣舟小

風颺酒旗斜嫩剥青菱角濃煎白茗芽淹留不知夕城樹欲栖鴉

柳影繁初合鶯聲澀漸稀早梅迎夏結殘絮送春飛西日韶光盡南風暑氣微展張新小簟熨帖舊生衣綠蟻杯香嫩紅絲膾縷肥故園無此味何必苦思歸

紅藤杖

杖出南蠻

南詔紅藤杖西江白首人
時時攜步月處處把尋春
勁健孤莖直疎圓六節勻
火山生處遠瀘水洗來新
粗細纔盈手高低僅過身
天邊望鄉客何日拄歸秦

風雨中尋李十一因題船上

匹馬來郊外扁舟在水濱
可憐衝雨客來訪阻風人小
榼酌清醕行廚煮白鱗
停杯看柳色各憶故園春

題廬山山下湯泉

一眼湯泉流向東，浸泥澆草煖無功。
驪山溫水因何事，流入金鋪玉甃中。

寄蘄州簞與元九因題六韻

時元九
鰥居

笛竹出蘄春，霜刀劈翠筠。
織成雙鎖簞，寄與獨眠人。
卷作筒中信，一作布舒為席上珍。
滑如鋪鱗葉，冷似臥龍鱗。
清潤宜乘露，鮮華不受塵。
通州炎瘴地，此物最關身。

秋熱

西江風候接南威，暑氣常多秋

一作風

氣微猶道江州最

涼冷至今九月著生衣

題元八谿居

溪風漠漠樹重重水檻山窗次第逢晚葉尚開紅躑躅

秋芳

一作房

初結白芙蓉聲來枕上千年鶴影落杯中五

老峰更媿殷勤留客意魚鮮飯細酒香濃

晚出西郊

散吏閒如客貧州冷似村早涼湖北岸殘照郭西門嬾

鑷從鬚白休治

一作鑷

任眼昏老來何所用少興不多言

階下蓮

葉展影翻當砌月
花開香散入簾風
不如種在天池上
猶勝生於野水中

端居詠懷

賈生俟罪心相似
張翰思歸事不如
斜日早知驚鵬鳥
秋深悔不憶鱸魚
冑襟曾貯匡時策
懷袖猶殘諫獵書
從此萬緣都擺落
欲攜妻子買山居

夜宿江浦聞元八改官因寄此什

君遊丹陛已三遷我汎滄浪欲

一作亦

二年劔珮曉趨雙

鳳闕煙波夜宿一漁船交親盡在青雲上鄉國遙拋白日邊若報生涯應笑殺結茅栽芋種畝田

百花亭

朱檻在空虛涼風八月初山形如峴首江色似桐廬佛寺乘船入人家枕水居高亭仍有月今夜宿何如

江樓早秋

南國雖多熱秋來亦不遲湖光朝霽後竹氣晚涼時樓

閣宜佳客江山入好詩
清風水蘋葉白露木蘭枝
欲作雲泉計須營伏臘
資匡廬一步地官滿更何之

送客之湖南

年年漸見南方物
事事堪傷北客情
山鬼趨跳唯一足
峽猿哀怨過三聲
帆開青草湖中去
衣濕黃梅雨裏行
別後雙魚難定寄

一作定
難覓

近來潮不到
湓城

百花亭晚望夜歸

百花亭上晚
裴回雲影陰
晴掩復開日
色悠揚
暎山盡

雨聲蕭颯渡江來
鬢毛遇病雙如雪
心緒逢秋一似灰
向夜欲歸愁未了
滿湖明月小船迴

西樓

小郡大江邊
危樓夕照前
青蕪卑濕地
白露沈寥天
鄉國此時阻
家書何處傳
仍聞陳蔡戍
轉戰已三年

尋李道士山居兼呈元明府

盡日行還歇
遲遲獨上山
攀藤老筋力
照水病容顏
陶巷招居住
茅家許往還
飽諳榮辱事
無意戀人間

四十五

行年四十五兩鬢半蒼蒼清瘦詩成癖粗豪酒放狂
老來尤委命安處卽為鄉或擬廬山下來春結草堂

寄李相公崔侍郎錢舍人

曾陪鶴馭兩三仙親侍龍輿四五年天上歡華

一作娛

春

有限世間漂泊海無邊榮枯事過都成夢憂喜心

一作情

忘便是禪官滿更歸何處去香爐峰在宅門前

廳前桂

天台嶺上凌霜樹司馬廳前委地叢一種不生明月裏
山中猶校勝塵中

尋王道士藥堂因有題贈

行行覓路緣松嶠步步尋花到杏壇白石先生小有洞
黃芽姹女大還丹常悲東郭千家冢欲乞西山五色丸
但恐長生須有籍仙臺試為檢名看

秋晚

籬菊花稀砌桐落樹陰離離日色薄單幕疎簾貧寂莫

涼風冷露秋蕭索
光陰流轉忽已晚
顏色凋殘不如昨
萊妻臥病月明時
不擣寒衣空擣藥

南浦歲暮對酒送王十五歸京

臘後冰生覆溢水
夜來雲闇失廬山
風飄細雪落如米
索索蕭蕭蘆葦間
此地二年留我住
今朝一酌送君還
相看漸老無過醉
聚散窮通總是閒

除夜

薄晚支頤坐中宵
枕臂眠一從身去國
再見日周天老

度江南歲春拋渭北田潯陽來早晚明日是三年

聞李十一出牧澧州崔二十二出牧果州因寄

絕句

平生相見卽眉開靜念無如李與崔各是天涯為刺史
緣何不覓九江來

元和十三二當作年淮寇未平詔停歲仗憤然有

感率爾成章

聞停歲仗軫皇情應為淮西寇未平不分氣從歌裏發

無明心向酒中生
愚計忽思飛短檝
狂心竟欲請長纓
從來妄動多如此
自笑何曾得事成

庾樓新歲

歲時銷旅貌
風景觸鄉愁
牢落江湖意
新年上庾樓

上香爐峰

倚石攀蘿歇病身
青筇竹杖白紗巾
他時畫出廬山障
便是香爐峰上人

憶微之

與君何日出屯蒙魚戀江湖鳥厭籠
分手各拋滄海畔折腰俱老綠衫中
三年隔闊音塵斷兩地飄零氣味同
又被新年勸相憶柳條黃軟欲春風

雨夜贈元十八

卑濕沙頭宅連陰雨夜天共聽檐溜滴
心事兩悠然把酒循環飲移牀曲尺眠
莫言非故舊相識已三年

寒食江畔

草香沙暖水雲晴風景令人憶帝京
還似往年春氣味

不宜今日病心情聞鶯樹下沈吟立信馬江頭取次行
忽見紫桐花悵望下邳明日是清明

三月三日登庾樓寄庾三十二

三日歡遊辭曲水二年愁臥在長沙每登高處長相憶
何況茲樓屬庾家

聞李六景儉自河東令授唐鄧行軍司馬以詩
賀之

誰能淮上靜風波聞道河東應此科不獨文詞供奉記

定將談笑解兵戈
泥埋劔戟終難久
水借蛟龍可在多
四十著緋軍司馬
男兒官職未蹉跎

石榴樹

一作石
楠樹

可憐顏色好
陰涼葉翦紅
牋花撲霜繖
蓋低垂金翡翠
熏籠亂搭繡衣裳
春芽細炷千燈燄
夏藥濃焚百合香
見說上林無此樹
只教桃柳一作李占年芳

大林寺桃花

人間四月芳菲盡
山寺桃花始盛開
長恨春歸無覓處

不知轉入此中來

詠懷

自從委順任浮沉漸覺

一作學

年多功用深面上減

一作減

除憂喜色胷中消盡是非心妻兒不問唯耽酒冠蓋皆慵只抱琴長笑靈均不知命江離叢畔苦悲吟

早發楚城驛

過雨塵埃滅沿江道徑平月乘殘夜出人趁早涼行寂歷閒吟動冥濛暗思生荷塘翻露氣稻龍瀉泉聲宿犬

聞鈴起栖禽見火驚
曉曉煙樹色十里始天明

箬峴東池

箬峴亭東有小池
早荷新荇綠參差
中宵把火行人發
驚起雙栖白鷺鷥

建昌江

建昌江水縣門前
立馬教人喚渡船
忽似往年歸蔡渡
草風沙雨渭河邊

哭從弟

傷心一尉便終身叔母年高新婦貧一片綠衫消不得
腰金拖紫是何人

香爐峰下新卜山居草堂初成偶題東壁

五架三間新草堂石堦柱柱竹編牆南檐納日冬天暖
北戶迎風夏月涼灑砌飛泉纔有點拂窗斜竹不成行
來春更葺東廂屋紙閣蘆簾著孟光

重題

喜入山林初息影厭趨朝市久勞生早年薄有煙霞志

歲晚深諳世俗情已許虎溪雲裏臥不爭龍尾道前行
從茲耳界應清淨免見啾啾毀譽聲

長松樹下小溪頭斑鹿胎巾白布裘藥圃茶園為產業
野麋林鶴是交遊雲生澗戶衣裳潤嵐隱山廚火燭幽
最愛一泉新引得清泠屈曲繞階流

日高睡足猶慵起小閣重衾

一作裘

不怕寒遺愛寺鐘

一作

泉欹枕聽香爐峰雪撥簾看匡廬便是逃名地司馬仍

為送老官心泰身寧是歸處故鄉何

一作可

獨在長安

宦途自此心長別，世事從今口不言。豈止形骸同土木，
兼將壽夭任乾坤。胷中壯氣猶須遣，身外浮榮一作雲何
足論。還有一條遺恨事，高家門館未酬恩。

山中問月

為問長安月，誰教不相思必切一作暫離。昔隨飛蓋處，今照入

山時。借助秋懷曠，留連夜臥遲。如歸舊鄉國，似對好親
知。松下行為伴，谿頭坐有期。千巖將萬壑，無處不相隨。

正月十五日夜東林寺學禪偶懷藍田楊主簿

因呈智禪師

新年三五東林夕星漢迢迢

一作遠

鐘梵遲花縣當君行

樂夜松房是我坐禪時忽看月滿還相憶始歎春來自
不知不覺定中微念起明朝更問鴈門師

臨水坐

昔為東掖垣中客今作西方社內人手把楊枝臨水坐
閒思往事似前身

山居

山齋方獨往塵事莫相仍
藍輦辭鞍馬緇徒換友朋
朝餐唯藥菜夜伴只紗燈
除却青山在其餘便是僧

遺愛寺

弄日

一作石

臨谿坐尋花繞寺行
時時聞鳥語處處是泉

聲

山中與元九書因題書後

憶昔封書與君夜
金鑾殿後欲明天
今夜封書在何處
廬山庵裏晚

一作晚

燈前籠鳥檻猿俱未死
人間相見是

何年

黃石巖下作

久別鷓鴣侶深隨鳥獸羣
教他遠親故何處覓知聞
昔日青雲意今移向白雲

戲贈李十三判官

垂鞭相送醉醺醺
遙見廬山指似君
想君初覺從軍樂
未愛香爐峰下雲

醉中戲贈鄭使君

時使君先歸
留妓樂重飲

密座移紅毯，醜顏照綠杯。
雙娥留且住，五馬任先迴。
醉耳歌催醒，愁眉笑引開。
平生少年興，臨老暫重來。

江亭夕望

憑高望遠思悠哉，晚上江亭夜未迴。
日欲沒時紅浪沸，月初生處白煙開。
辭枝雪蘂將春去，滿鑷霜毛送老來。
爭敢三年作歸計，心知不及賈生才。

酬元員外三月三十日慈恩寺相憶見寄

悵望慈恩三月盡，紫桐花落鳥關關。
誠知曲水春相憶，

其柰長沙老未還赤嶺猿聲催白首黃茅瘴色換朱顏
誰言南國無霜雪盡在愁人鬢髮間

偶然二首

楚懷邪亂靈均直放棄合宜何惻惻漢文明聖賈生賢
謫向長沙堪歎息人事多端何足怪天文至信猶差忒
月離于畢合滂沱有時不雨何能測

火發城頭魚水裏救火竭池魚失水乖龍藏在牛嶺中
雷擊龍來牛枉死人道著神龜骨靈

一作聖

試卜魚牛那

至此六十四卦七十鑽畢竟不能知所以

中秋月

一作秋月

萬里清光不可思添愁益

一作足

恨繞天涯誰人隴外久

征戍何處庭前新別離失寵故姬歸院夜沒蕃老將上
樓時照他幾許人腸斷玉兔銀蟾遠不知

謝李六郎中寄新蜀茶

故情周匝向交親新茗分張及病身紅紙一封書後信
綠芽十片火前春湯添勺水煎魚眼未下刀圭攪麴塵

不寄他人先寄我應緣我是別茶人

攜諸山客同上香爐峰遇雨而還霑濡狼籍互
相笑謔題此解嘲

蕭灑登山去龍鍾遇雨迴磴危攀薜荔石滑踐莓苔
汗君相謔屨穿我自咍莫欺泥土脚曾蹋玉階來

彭蠡湖晚歸

彭蠡湖天晚桃花水氣春鳥飛千白點日沒半紅輪
何必為遷客無勞是病身但求臨北望少有不愁人

酬贈李鍊師見招

幾年司諫直承明今日求真禮上清
曾犯龍鱗容不死欲騎鶴背覓長生
劉綱有婦仙同得伯道無兒累更輕
若許移家相近住便驅雞犬上層城

西河雨夜送客

雲黑雨脩脩江昏水閣流
有風催解纜無月伴登樓
酒罷無多興帆開不少留
唯看一點火遙認是行舟

登西樓憶行簡

每因樓上西南望始覺人間道路長
礙日暮山青簇簇漫天秋水白
茫茫風波不見三年面書信難傳
萬里腸早晚東歸來下峽穩乘船
舫過瞿唐

羅子

有女名羅子生來纔兩春
我今年已長日夜二毛新
顧念嬌啼面思量老病身
直應頭似雪始得見成人

讀僧靈徹詩

東林寺裏西廊下石片鐫題數

一作四

首詩言句怪來還

校別看名知是老湯師

聽李士良琵琶

人各賦二
十八字

聲似胡兒彈舌語愁如塞月恨邊雲閒人暫聽猶看斂
可使和蕃公主聞

昭君怨

明妃風貌最娉婷合在椒房應四星只得當

一作長

年備

宮掖何曾專夜奉幃屏見疎從道迷圖畫知屈那教配
虜庭自是君恩薄如紙

一作命身
如紙薄

不須一向恨丹青

閒吟

自從苦學空門法銷盡平生種種心
唯有詩魔降未得
每逢風月一閒吟

戲問山石榴

小樹山榴近砌栽半含紅萼帶花來
爭知司馬夫人妬
移向庭前便不開

編集拙詩成一十五卷因題卷末戲贈元九李

二十

一篇長恨有風情卞首秦吟近正聲每被老元偷格律

元九向江陵日常以拙詩一軸贈行自後格變

苦教短李伏歌行

李二十常自負歌行近見

子樂府五十首默然心伏

世間富貴應無分身後文章合有名莫怪

氣粗言語大新排十五卷詩成

湖上閒望

藤花浪拂

一作沸

紫茸條菰葉風翻

一作飄

綠剪刀閒弄水

芳生楚思時時合眼詠離騷

御定全唐詩卷四百三十九